



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

Hebdomas infra 8. Epiphanie, In Epiphania Domini.

[urn:nbn:de:hbz:466:1-60091](#)

exsequendum. Desiderium exstimulan-
di se memoria huius nominis ad conti-
nuum conatum proficiendi in triplici
via perfectionis hic subiungendum.

In Epiphania Domini & per
octauam.

Hebd.
infra
oct.
Epiph.

I.

Devocatione Magorum per stellam.

I. **A** Eternus Pater tam stupendam fi-
lij sui in vili stabulo delitescentis
humilitatem, sicut nuper clarificauit per
apparitionem & concentum Angelorum
in terra; sic nunc clarificat per noui
sideris exorrum in cœlo: & sicut nuper
ardentissimam eius erga homines veluti
fratres suos charitatem manifestauit
Iudæis per vocationem Pastorum, ita
nunc manifestat Gentibus per vocatio-
nem Magorum: idque ex incompre-
hensibili erga filium, omnesque homi-
nes, ipsi arctissima affinitate coniun-
ctos, dilectionis excessu: ut ostendar,
quantoperè desideret 1. Ipsum ceu ver-
rum & unicum mundi Saluatorem ab
omnibus, non Iudæis tantum, sed &
gentibus agnosci, amari, glorificari. 2.

Omnes

Omnes per ipsum saluos fieri , & ad agnitionem veritatis venire. 3. Omnes eius humilitatem, & charitatem, aliasque virtutes imitari.

Iea.17. Quam æquum eslet, vt hoc diuinissimum æterni Patris desiderium , & sanctissimum votū filij , iam tunc è præsepi clamantis: *Pater clarifica filium tuum* , ut *filius clarificet te* , implere omni contentione satageremus? Amor , zelus Christum glorificandi & imitandi.

II. Vocat Pater regnans in cœlo, vocat & Verbum infans , iacens in præsepio, ex tot myriadibus hominum hos tres Magos ab Oriente, nouam insolitæ magnitudinis & fulgoris stellam eorum obtutibus obijciendo , simul mentes illuminando , vt illam ipsam esse agnoscerent, de qua Balaam vaticinatus fue-

Num.24. rat: *Orietur stella ex Iacob*, & *confurget virga de Israel*, & voluntates impellendo, vt Regem regum , stella ista designatum, in Iudæa recens natum, sibi, præ omnibus inquirendum, adorandum , mysticisque muneribus honorandum decernerent:iuxta illud D. Leonis: *Dedit afficienibus intellectum, qui præstitit signum: & quod fecit intelligi, fecit inquire, & se inueniendum obtulit requisitus.*

O quanta illa gratia his tribus Magis

*Ser.1.de
Epiph.*

syderum motuumque cœlestium contemplationi deditis, tam mira & congruentia ratione è gentilijs tenebris ad cognitionem veritatis traductis præstata, ex gratuita Dei misericordia, præ tam multis alijs, qui eandem stellam videbunt, & quem portenderet, ex prophetia Balaam coniecerunt, nec tamen efficaciter ad illum quærendum permotis fuerunt? O quantò maior gratia ex eadem gratuita Dei misericordia præstatur illis, qui ad statum perfectionis diuinatus vocantur cum fideli Abraham, cui dictum: *Egredere de terra tua, simulq; Gen. 20;* sic illuminantur, & peculiari Sancti Spiritus instinctu impelluntur, ut omnino sibi, & quidem quam primum, diuinæ vocationi parendum statuant, præ tam multis alijs, qui amore proprio excœcati, & mundi carnisq; lenocinijs irretiti, vocantem Deum se audire dissimulant, vel sequi se posse diffidunt, vel contumaciter sequi renuunt, de quibus Christus: *Muli sunt vocati, pauci vero electi. Matt. 20.* Amor vocationis, gratitudo, & zelus cooperandi gratiæ oblatæ.

III. Magi sic intus illuminati, sic accēsi, magna alacritate, relictis regnis, diuitijs, delitijsq; patrijs, ignotum & difficile iter ingrediuntur, & mōx stellam, velut

velut viæ ducem præeuntem, conspi-
cantur, cuius ductum sequuntar, non
declinando ad dextram vel sinistram,
cum illa quiescente quiescendo, & cum
eadem progrediente progrediendo,
quanto int̄imorum præcordiorum tri-
pudio? certè non minore quàm olim
Hebræi per desertum in terram promis-
sionis tendentes, cum viderent antece-
denterem viamque demonstrantem co-
lumnam nubis per diem, & ignis per
noctem.

O quàm suauiter & efficaciter per
vias rectas ad culmen eximiæ perfec-
tionis à diuina sapientia & bonitate du-
citur, quisquis diuinæ eius inspirationi
ad perfectiora semper urgenti non se-
gniter cooperari nititur! Affectus ijdem
renouandi.

**II. De ingressu Magorum in urbem regiam,
disparente stella, Matt. 2.**

I. **C**VM Magi iàm longum iter stella
prævia emensi Hierosolymæ vibi-
regiæ appropinquarent, latitiaque ge-
starent, ob spem breui conspiciendi re-
cens natam regem, quem isti se reper-
turos certò sperabant: ecce mòx eorum
ob tutibus subducitur stella, cuius aspe-

et

Ctu hucusque mirificè fuerant recreati:
quo inopinato casu tristantur quidem,
& non nihil turbantur, non tamen ideo
animos deiiciunt, nec à cœpto desistūt,
sed urbem regiam ingredi, & quem stel-
læ indicio didicerunt esse natum, ab
hominibus porrò percontari, ubi natus
sit, constituunt.

Quàm mirabilis, & suavis prouiden-
tia Dei, electos suos nunc consolantis,
nunc probantis! sicut enim Magis sub-
duxit ad tempus conspectum tam gra-
tiosi syderis ad eorum fidem confirman-
dam, constantiam probandam, magna-
nimitatem intendendam, meritumque
augendum: sic non raro seruis suis
subtrahit gratiam diuinæ consola-
tionis, & tenerioris deuotionis, ob
eosdem & similes fines. Quàm constan-
ter ergo perseverandum seruo Dei in
continuo proficiendi conatu, non mi-
nus tempore desolationis, quàm con-
solationis? Constantia in studio perfe-
ctionis, resignatio ad ariditates & de-
solationes de manu Dei acceptandas.

II. Ingressi urbem Magi audacter in-
terrogant: *Vbi est, qui natus est Rex Iudeo-
rum? vidimus enim stellam eius in oriente,* *et* *venimus adorare eum.* Quàm eximia fuit
eorum fides, quam inuicta magnanimi-

F tas,

tas, quām ardens constansq; desideriū videndi & adorandi natum Regem, cum de eo nato non dubitent, sed, vbi natus sit, inquirant: nec vereantur aliū Regem Iudæorum istic querere vbi ambitiosum Herodem, non ferentem regni consortem, cernunt imperare? nec à querendo desistunt, licet cuī Herode totam aulam, & urbem regiam turbari animaduertant?

Ose. II.

O quam admirabilis virtus Verbi infantis in præsepio iacentis, iam tunc trahentis omnia ad seipsum, trahentis, inquā, in funiculis Adam, in vinculis charitatis! quam efficaciter, quam suauiter attraxit ad sui cognitionem amoremq; hosce tres viros syderum spectandorum arte pollentes, sed longè à via veritatis aberrantes; & mille alios etiamnūm trahit prius sicut oves errantes, sedentes in nebris & umbra mortis, computrestentis velut iumenta in stercore suo, ad clariorē sui cognitionem, feruentiorem amorem, generosiorem imitationem, intimam familiaritatem!

Quisquis sic traheris, agnosce humili gratoque animo manum affectumque trahētis, nec sequi desine, donec assequi mereare. Gratitudo, constans amor vocationis, & feruor gratiæ excitanti co-operandi.

III. He

III. Herodes, auditio tam insolito Messiae Iudeis promissi iam nati indicio, turbatus, & de regno suo amittendo sollicitus, dissimulato suo infando consilio, ex principibus Sacerdotum, & scribis populi conuocatis inquirit, discitque locum, ubi promissus Messias nasceretur, atque hac ratione simul Magis humano indicio innotescit, ubi, quem loquente celo natum didicerant, querendus sit.

Quam mirum diuinæ prouidentiæ & pietatis in hoc elucet consilium? quo factum est, ut Herodes, licet impius, diuinæ dispositioni cooperaretur, & per malos ministros & sacerdotes (de quibus Malachias ait: *Labia sacerdotis custodiunt scientiam, & legem requirent ex ore eius:*) veritas pijs demonstraretur, & sensus scripturarum aperiretur. O quam verè diligentibus Deum omnia cooperantur in bonum! Quam inscrutabile quoque hic suspiciendum iudicium Dei, gentiles è longinquo adducentis, & mira luce gratiæ suæ illuminantis; Iudeos sibi tam propinquos deserentis, & execrari permittentis! O quam verè iudicia Dei abyssus multa! Quam verè dixit Veritas: *Nemo potest venire ad me, nisi Pater meus traxerit eum!* O

F 2 quam

quām detestanda ambitio , superbia,
ingratitudo, amor temporalium, quā
excæcarunt mentes Herodis & Iudeo-
rum, vt ne pedem quidem mouerent ad
quærendum illum thesaurum abscon-
ditum , quem alijs ostenderunt! quām
amplectenda humilitas , obedientia,
constans feruor quærendi Deum negle-
cta cura temporalium , quæ Magorum
animos sic illuminarunt , sic inflamma-
runt, vt demonstratum thesaurum solli-
citè quærerent , & feliciter inuenirent.
Admiratio diuinæ prouidentiæ, grati-
tudo , constans feruor Christum quæ-
rendi, amandi, imirandi.

III. De inuentione & adoratione nati Regis

I. A Ccepto de loco nati Regis indi-
cio , Magi statim relicto aula
strepitu rectâ Bethlehem versus alacre
contendunt , & ecclœ stella, quam videran-
ti Orientie, antecedebat eos, usq; dum venien-
staret supra, ubi erat puer. Et videntes ste-
llam gauisi sunt gaudio magno valde. Quan-
tis lætitijs ad primum conspectum stel-
la, quæ disparuerat, incesserint? Quan-
exultabundi tam miram circa se diu-
nam prouidentiam obstupuerint & lau-
darint? quanto gaudio reliquum itin-

ris confecerint : quanto desiderio ad conspectum tantis prodigijs præmonstrati Regis anhelarint?

O quam liberalis Deus erga suos electos constanti inuictoque animo desolationum, tentationum, aduersitatum, que procellas amore sui generosè superantes? Gratitudo, gaudium in tribulatione, Resignatio ad ardua.

II. Cum Bethlehem attigissent, stupent cernentes prodigiosam stellam stare super vilem casam ; non super regium palatium, sed iumentorum stabulum: at continuò diuinæ lucis radio illustrati cognoscunt , regis huius regnum non esse humanum, sed diuinum, non terrenum, sed cœleste, non transitorium, sed æternum.

Ingressi porrò casam , inuenerunt puerum cum Maria matre eius , cuius vultum cum diuino quodam fulgore radiantem cernerent , repente sic illuminati sunt, ut infantulum, quantumvis vilibus inuolutum pannis, & pauperculæ Matris filium oculis corporeis aspicerent, nihilominus oculis mentis eundem esse verum Deum, Regem, & Salvatorem agnoscerent. Quanto cum solatio quanto gratitudinis affectu admirati fuerint , se tam abundè votorum

suorum factos esse compotes? O quantum infinita liberalitate sua Deus excedit vota seruorum suorum liberali animo se illius obsequio impendentium! Gratitudo, amor, zelus perfectè constanterque Deo seruendi.

III. Continuò absqueulla mora, quem agnoscunt, proni demississimè adoant, mysticisque muneribus deuotissimè honorant, auro, thure, myrrha: auro, eum verum regem, thure verum Deum, myrrhaverum hominem esse protestantes, iuxta illud: *Coram illo procident Aethiopes, & inimici eius terram lингent. Reges Arabum & Saba dona adducent. quanta humilitatis, deuotionis, gratitudinis, amoris affectu hoc obsequium diuino infantulo præstiterint?*

quam largas lacrymas tenerimi amoris & liquidissimi interni gaudij indices profuderint? quam heroica desideria gloriæ eius longè lateque disseminandæ conceperint, medullitusque optarint, eum ab omnibus agnosci, coli, adorari! quam perfectè ex parte sua implerint, impleri que in toto mundo ab omnibus desiderarint illud: *Et adorabunt eum omnes Reges terra, omnes gentes seruient ei?*

Quam grata fuerit Christo illa Magorum deuotio, illa gratitudo, ille zelus,

Psal. 71.

Ibidem.

Ius, illa nō tantū auri, thuris, & myrrhæ,
sed & sui ipsorum liberalissima oblatio?
quām larga cœlestium charismatum, di-
uinarum illustrationum, & ineffabili-
um consolationum copia, hanc eorum
liberalitatem remunerari? Aurum sapi-
entiae, qua incarnati Verbi mysterium
perciperent, thus deuotionis, qua con-
stanter in cœpto persisterent, myrrham
incorruptionis à peccatis, ne in illa reci-
derent, vicissim ijs impertiendo? Zelus
in his pios reges æmulandi.

De reditu Magorum.

IV.

I. **M**Ystica peracta oblatione, mirifi-
cè gratioſo diuinissimi infantuli
conſpectu illuminati, & exhilarati, vix
sanctissimis illius manibus pedibusque,
flexis poplitibus, decurrente ubere
per genas lacryma, summa cum re-
uerentia suauiandis satiari posse vide-
bantur; tandemque in pedes ereti,
vix præ internæ dulcedinis affluentia
ſeſe capientes, circumspiciebant casam,
præſepe, pañnos, ipsamque maximè
matrem diuinum quid spirantem: om-
nia attoniti ſuspiciebant & veneraban-
tur. Quanta ſubmissione Beatę Matri de
tanto filio gratulati fuerint, eidemque

F 4

pro-

prodigiosam stellæ apparitionem cum
gestis in via, Hierosolymisque retule-
rint, & viciissim quanto stupore & gau-
dio diuinam Matrem mira quædam &
arcana de filij Dei prerogatiuis mysteria
xuelantem, eosq; in fide confirmantem
audierint? quanta demum deuotione ac
reuerentia eidem se ac benedicto filio
commendarint, & valedixerint corpo-
ribus quidem inde recedentes, at non
animis?

O quanta multitudo dulcedinis Do-
mini, quam feruentibus seruis suis
communicare solet in exercitijs deuo-
tionis, si serio, purè, constanter, perse-
steque ea obire satagant? Amor, feruor
in exercitijs deuotionis.

I.E. Cùm pernoctassent ibi, admoniti
sunt in somnis, ne redirēt ad Herodem,
qui id petierat, ne & infans, & ipsi in
vitæ discrimen adducerentur: quod illi
grato animo cognoscentes, per aliam
viam reuersi sunt in regionem suam.
Quam luculentum illud paternū Dei
prudentiæ erga suos electos argu-
mentum! Quid in mundo metuat quis
quis omnem sollicitudinem suam pro-
iicit in eum, cui est cura de nobis? nul-
quam securius, quam in sinu tam ama-
bulis Patris conquiescitur. Quam exul-
tabundi

tabundi hi tres beati reges tām peculia-
rem Dei erga se prouidentiam suspexe-
runt? quas laudes, quas gratias retule-
rint? quām sancta desideria, tantam eius
erga se liberalitatem compensandi, exi-
mio zeli omnimodæ perfectionis ac-
quirendæ, & diuinæ eius gloriæ pro-
mouendæ, conceperint?

III. Beatus Ioseph rediens (quem cre-
dibile est, tum, ita Deo disponente,
abfuisse, vt suauius Magis innotesceret
diuinum illum admirabilemque pue-
rulum, quā homo erat, non habere
patrem in terris) quantis incesserit lāti-
tij? quo deuotionis affectu diuinam
bonitatem collaudarit? diuinos infan-
tulo delatos honores, & Magis adora-
toribus cælestes fauores congratulatus
sit? quanto feroore animam, corpus,
omnia eorum exemplo eiusdem diuini
fusionis obsequio de nouo supplex ob-
tulerit? Quanto hæc omnia eminentius
præstiterit B. Mater, tanto illis fide illu-
minatior, tanto charitate flagran-

tior? Congratulatio de gloria

Christi, gratitudo,

oblatio sui.

V. De quadruplici stellâ seu lumine, quo electus quisque deducitur per vias rectas ad regnum Dei.

I. Sicut Deus per stellam tres Magos præ omnibus alijs singulari gratia præueniente illuminauit, excitauitque ad agnoscendum & quærendum recens natum regem, & misericordiam Saluatorem: sic quævis electū illuminat, excitatq; simili peculiari gratia præueniente ad agnoscendū, amandum, quærendumq; se verū Deum, &, quē misit, filium suum Iesum Christum per quadruplex lumen, nempe rectæ rationis, fidei supernaturalis, peculiaris inspirationis, & Superiorum directionis, & quidem ex gratuita misericordia ad insignem sanctitatis, gratiæ & gloriæ gradum acquirendum.

Quanta illa gratia, sic præ totalijs illuminari, sic excitari, sic trahi! quantam illa in vicem gratitudinem, quantam cooperandi sollicitudinem exigit?

II. Sicut illos Deus tam suauiter, & efficaciter per prospera & aduersa, per consolaciones & desolaciones deduxit in Bethlehem, vbi illis facta potestas optima regem videndi, adorandi, munieribus honorandi: sic quemuis electū peculiari comitante gratia deducit in Ecclesiam.

clēsiā, atque ad certū aliquem statū, in quo posuit Deo perfectē, iuxta gratiam suæ vocationis seruire, suæque simul & proximorum saluti promouendę impensè vacare. Dispice quām peculia-
ritate te Deus, p̄t̄ tot alijs in densissimis infidelitatis, h̄ereticos & mundanę vani-
tatis tenebris derelictis, oculis miseri-
cordiæ suæ respexerit, hucusque sic de-
duxerit, nunc consolando, nunc dese-
rendo, nunc arguendo, nunc confirmā-
do, nunc ad perfectiora exst̄imulando.
Agnosce, gratias age, ferore spiritū
compensa.

III. Sicut eosdem mitē ab Herodis in-
sidijs protexit, per aliam viam reduxit,
in fide & gratia confirmauit, dono per-
seuerantiæ beauit, tandemque brauio-
gloriæ coronauit, ex eadem gratuita
misericordia, & bonitate sua: sic quem-
uis electum simili paterna prouidentia
sua protegit, dirigit, conseruat, coronat.
Hæc ubi tibi applicaris, admirare tan-
tam eius bonitatem, spera paternam
cius usque in finem assistentiam,
redamare, & compensare
statue tantam libera-
litatem.

VII. *De spirituali oblatione auri charitatis,
thuris deuotionis, myrræ
mortificationis.*

I. *Xpende, quām peculiaris gratia
Dei censenda sit, per internam
illustrationem mentis, impulsumque
voluntatis moueri ad feruens, efficax,
constansque desiderium diuinæ Mai-
stati piè perfecteque offerendi aurum
charitatis, thus deuotionis, myrram
mortificationis, seu ad feruentem soli-
dumque zelum proficiendi in charita-
te, deuotione mortificatione.*

*Quanta gratitudo pro ranta gratia
merito foret rependenda? quoties simi-
lem gratiam excitantem intus sentis &
negligis? quām parum illam agnoscis?
quam frigidè gratias agis? Gratitudo,
compunctio, zelus cooperandi gratia.*

II. *Quanto maior sit reputanda gra-
tia simili modo efficaciter propelli ad
continuum in excendis internis ex-
ternisque charitatis, deuotionis, &
mortificationis actibus profectum vr-
gendum, simulque abundantis gratiæ
auxilijs muniri ad perseverandum in ijs
etiam tempore desolationis, & aduersi-
tatis constanter frequentandis, omni-
bus*

bus difficultatibus occurrentibus per-
vincendis cum ingenti meritorum in-
cremento?

Quàm rara & singularis illa gratia?
quàm paucis ex quam gratuita Dei li-
beralitate concedi solita ? quàm rara
proinde animi demissione, quàm deuo-
ta gratiarum actione, quam strenua
cooperatione foret acceptanda & com-
pensanda? Gratitudo, fervor proficien-
di.

III. Quantò demum sublimior gra-
tia æstimanda sit ex eadem gratuita Dei
liberalitate sic perenni superabundantis
gratiæ influxu inundari, ut cum alacri-
tate & gudio in assiduo exercitio cha-
ritatis, deuotionis & mortificationis
constans usque ad mortem quis perse-
ueret, & desideratum æternæ retribu-
tionis brauium obtineat? Quisquis
hanc gratiam à diuina bonitate speras,
strenuè tibi humiliterq; cooperandum
esse scias. Gratitudo, spes doni perseue-
rantiæ, fervor cooperandi constanter
gratiæ.

De alia spirituali oblatione votorum reli- VII.
gionis per aurum, thus & myr-
rhæ designatorum.

I. Expende, quàm extraordinaria
F 7 gratia

gratia sit à Deo suauiter & efficaciter
moueri ad concipiendum efficax desi-
derium offerendi se eius diuinæ mai-
stati, quoad corpus, animam, & omnia
mundi bona, quæ habet aut habere po-
test per trina vœa paupertatis, castita-
tis, obedientiæ, aut voluntariam abdica-
tionem opum, voluptatū, honorū, quæ
per aurum, myrrham, thus designantur,
per aurū quidem paupertas, qua omnia
temporalia abdicantur, per myrrham
castitas, qua caro à corruptione præser-
uatur, per thus obedientia, qua totus
homo in odorem suavitatis Deo im-
molatur.

Quàm paucis hæc gratia præ tot in
procelloso mundi pelago pereuntibus
diuinitus concessa, ex gratuita miseri-
cordia ad fines tām sublimes in hac vita
& in futura? Gratitudo, zelus respon-
dendi gratiæ vocationis.

II. Quàm peculiarior gratia continuis
diuine assistētiæ præfidijs in sancto pro-
posito confirmari, extimulari ad exa-
ctam dictorum votorum obseruationem,
impelliq; ad minimos contra eos dese-
ctus sollicitè cauēdos, commissosq; ex-
piandos, ad frequentanda heroica supra-
vires desideria, mille mundos, mille
corpora, mille voluntates, si haberet,
Deo

Deo perfectè consecrandi, idque purè
propter Deum, constanter inter pro-
spera & aduersa.

Quoties similes in te sentis stimulos.
& impulsus: Utinam ea, qua pars est, ala-
critate parere satanas? Gratitudo, com-
punctio, zelus exactæ obseruationis
votorum.

III. Quantò demum incomparabilior
gratia in assiduo illo studio fideliter vo-
ta oblata reddendi, conatuque indefes-
so perfectissimè se totum diuinæ gloriæ
impendendi perseverare, usque dum
euocetur ad capiendum promissum à
Christo gloriæ brauium? Quod, ut tan-
dem assequaris, ecquod detrectes certa-
men laboris? Nisi legitimè certaueris,
non coronaberis. Constans feruor in
exacta votorum obseruatione & cura
minorum.

De alia simili oblatione feruoris proficien- VII.
di in triplici viâ perfectionis, quam
myrrha, thus, aurum re-
presentat.

I. Expende simili prorsus modo, quā-
tum sit Dei donū cum tribus Ma-
gis sic intus illuminari, sic accendi ad
feruens constansq; desiderium propo-
fitumque conandi in dies maioribus
pass-

passibus progredi in triplici via perfectionis , seu in studio maioris animæ puritatis, virtutum soliditatis, voluntatis nostræ cum diuina conformitatis aequitendæ.

II. Quanto rarius donum præsidio peculiaris gratiæ velle ac posse constanter hoc sanctum propositum conatumque urgere , quantumuis varijs validisque ingruentibus temptationum, desolationum, difficultatum, aduersitatum procellis!

III. Quanto demum inæstimabilius donum in tali indefesso continuoque proficiendi desiderio nunquam deficeret, sed conari proficere , usque dum vita deficiat? Hæc singula, ut suprà, ponderatibi applica , & affectus gratitudinis, compunctionis, zeli constanter proficiendi excita.

Pro Dominica infra Octauam, meditationem de Christo audenni : vide infra Hebd. 4. post Epiph. med. 3.

Dicitur